

ECLOGA

Nuptiis auspaticissimis

*Nobilissimi atq. Consultissimi*

DN. JOHANNIS

von Baumgarten /

SECRETARII THORUN.

Cum

*Virgine sexus sui virtutibus supra modum  
ornatissima*

ANNA JUSTINA

natalibus KNIPPELIA.


D. 21. Septembr. ANNO M DC XCIV.

solemniter initis,

consecrata

à

M. Martino Böhm / Gymn. P. P. & Visit.



THORUNII,

Imprimebat JOHANNES BALTHASAR BRESLER.





*Ane sub auroram, vitrea cum terra pruina  
spargitur, Eoum cœpitq̃ rubescere cœlum,  
se recipit medio de monte sonorus Apollo  
cum cithara, fidibus, plectris, testudine  
longa,*

*& si quid nostræ blanditur gratius auri  
hoc secum defert, teneræ mandatq̃ Thaliæ:*

*En Hymenæus adest decorandus carmine nostro!*

*Nec mora, decerpunt vivorum germina florum*

*fertaq̃, contexunt Nymphæ, decorantq̃ capillos,*

*quæq̃ suos, harum sed formosissima virgo*

*collectam vario BAUMGARTI flore corollam*

*imponit capiti, gratisq̃ amplectitur ulnis*

*Sponsam. Pax, inquit, connubia nostra sequetur,*

*felices aderunt luces, & tempora nobis*

*expectata diu. Viden' ut sol nubila pellat,*

*& nostras puro tædas splendore serenet?*

*Fœcundæ vireant vites in collibus altis,*

*lætâq̃ frondentes expandant brachia sylvæ!*

*O decus Aonidum! stirpis generosa propago!*

*Te mea vota petunt solum: Tu dignus habere*

*me Sponsam: nullum nisi Te mea verba salutant.*

*Ipsa Tibi Cytheræa suos indulget honores*

*sacraq̃, diffundit medicati munera cesti.*

*Non repetam quanto studio, quantoq̃ labore*

*Aonios lustrasse choros Te florida iuvit*

*ætas, & variis ornavit dotibus: ipsa*

*Te pietas sacro decoravit suavis amore.*

*Sic virtus immota malis, amor æmulus æqui,*

*nobilis & doctrina suum superaddit honorem.*

*Ingenio polles fœcundo & divite vena:*

*Tot dotes animi, tot culti pectoris artes,*

*& varium fandi morem Tibi Musa paravit.*

*Hartknochii genius si carmina scribere posset,*

*apta-*



aptatis quam non verbis tua pingeret acta.  
Ille quidem tali decessit tempore terris,  
quo decus immortale sibi famamq<sup>3</sup> pararat  
æternam studijs; sed laus tua permanet usque.

Mellifluo claras promebas ore loquelas,  
Hyblæo potiora thymo, folijsq<sup>3</sup> Sibyllæ  
sancta magis fuerant doctarum dicta sororum.  
In patria postquam jecisti Gymnade veræ  
& pietatis opus, doctæ & fundamina vitæ,  
spem non fallebas Matris Patrisq<sup>3</sup> disertæ,  
nec Præceptorum frustrabas candida vota,  
ut faciunt alii, quos vexat vana libido  
mundi, vel stultæ torquet vesania fraudis.

E patria postquam peregrinas iuit in oras  
Laus tua, non poterat concludi limite parvo.  
Ecce vagata fuit per Gallos, perq<sup>3</sup> Britannos,  
per Batarvos, Italos, Germanos atq<sup>3</sup> Polonos,  
ut Patriæ ferret præclaræ commoda mille.  
Post magni fuerat sententia sancta Senatus,  
ut Thorunensis sis Secretarius urbis.

Hoc equidem virtutis iter fuit usq<sup>3</sup> molestum,  
sed tandem felix & multis dotibus auctum.  
Sic primum magnæ virtutis imago videtur,  
difficilis, lætum facilis tamen indicat orbem,  
cultoresq<sup>3</sup> sui digno confirmat honore,  
explicat ingentes arcus, pictasq<sup>3</sup> triumphis  
& longis moles titulis, sibi fervidus instat  
exercet mentes & corda oblita malorum  
surgens arte labor. Cumulantur commoda: quando  
in thalamum castum JUSTINA reducitur alma,  
quam pietas morumq<sup>3</sup> fides commendat & ornat.

Aspice quantus honos frontis? quæ gratia blandis  
interfusa genis? quam mitis flamma decoris  
fulguret ex oculis? gratus decor ipse pudicis

diffun-



*diffundit radios oculis, tingitq; venustam  
murice nativo faciem, velut alba per hortos  
purpureo Titan distinguit poma colore.*

*Digna quidem virtus, quam vel trans æquoris æstus  
classe Paris rapiat, vel conjurata reposcat  
Græcia. Virgineos sic sese flamma per artus  
acrius accendens tenerum pascebat amorem.*

*Si series generis longusq; propaginis ordo  
quæritur, e veteri sanguis deducitur ortu,  
jamq; suas vires in Consulis exserit aura  
Knippelii, medijs pariter caput inserit astris  
& magis insinuat sese complexibus arctis.*

*O par dilectum sancto sociabile nexu!  
Vivite felices, & tanta sorte beati  
crescite in invidiam fati, differte senectam  
longius & duros perduret vita per annos.  
Summe Pater tu corda liges consensibus unis,  
fac in amore pio perstent, & fœdere in uno,  
qualis flamma calens animos conjunxit in unum.  
Dumq; novas ædes intratis poplite dextro,  
(ædes quas olim coluit pars optima nostræ  
urbis, Wachschlager, sed quem mors dira peremit  
atq; suæ nobis servavit munia famæ)  
intret vobiscum summi benedictio cæli,  
& vigilet circum devotos gratia dia.*

*Vos viridi dulcem captate sub arbore somnum!  
Hæc tenui & vili chartacea munera cultu  
accipite unanimes, vestrisq; reponite tectis,  
posteritas videat, monstretq; nepotibus olim.*

*Sic cecinit Clio, gaudet pia turba Sororum,  
spirantes auræ resonant arbustaq; plaudunt,  
& Sponsi Sponsaq; ferunt ad sidera nomen.*

